



CE SAVINO SU LA CJARTE



Di dulà rivie la cjarte?



Ce isal fat cu la cjarte?



Cemût ise la cjarte?





Comencìn cul non!

Cjarte, cheste peraule, e ven dal latin **charta** e dal grêc **charassò** che al vûl dî incidi. Chest nus ricuarde che i antîcs Romans a dopravin taulutis di cere par incidi cuntun stilo. Par inglês invezit cjarte si dîs **paper**; par francês e par todesc **papier** (ma si lein in maniere divierse); par spagnûl e portughês **papel**. Chestis peraulis a derivin dal papîr.



CE ÎSAL?

Stilo: antîc strument doprât dai Romans par scrivi. Di une bande al jere a spice par incidi la taulute di cere, di chê altre al jere plat, par rascjâ la taulute e scrivi di gnûf.



Sul to cuader incole e piture lis bandieris e tache dongje la peraule cjarte te lenghe juste.



IL VERP JESSI E LIS FRASIS SEMPLICIS



Taje lis bandieris e lis persulis e tachilis sul to cuader forment lis cubiis justis.

CJARTE

CHARASSÒ

PAPEL









PAPIER

PAPER

PAPEL

CARTA

PAPIER





Un tic di storie!

Lis primis iscrizions a son di 4000 agns prin di Gjesù e a jerin fatiss su piere, su taulutis di arzile o di len.

Ma l'antenât de CJARTE al è il PAPÎR che a dopravin i Egjizis fintrimai 3000 agns prin di Gjesù.

Il papîr al è une plante, une cjane di aghe. Il fust de cjane al vignive tajât in fibriss une vore sutîi che a vignivin mitudis in muel te aghe. Ancjimò bagnadis, lis strissis a vignivin mitudis une dongje di chê altre par formâ un unic sfuei. Podopo al vignive pojât un altri strât di fibriss mitudis contrariis e cussì vie par vê un spessôr consistent. Dut al vignive pressât une vore ben. Lis sostancis naturâls



Disegne une plante di papîr tal ricuadri in bande.









LA CJARTE



Met in ordin lis fasis di realizazion dal papîr!



Piture i dissens





Un altri toc di storie!

Secui plui indenant ta lis regions plui a nord, lì che il papîr nol rivave a cressi, a dopravin la PERGAMENE, une specie di tele che si otignive cu la piel di piôre. Il non pergamene al vignive de citât di Pergamo (vuê Bergama, Turchie) lì che le faserin pe prime volte.





Ae fin e rive la Cjarte!

I inventôrs uficiais de cjarte a son stâts i Cinês.
E dut al è contât intune liende....

Al jere il 105 daspò la nassîte di Gjesù.
Un funzionari cinês, Ts' ai Lun, si jere fermât
dongje di une poce di aghe par cjâlâ une
lavandere che e stave stofinant dai peçots
fruiâts. Al veve viodût dai fii dal tiessût che si
jerin stacâts e depositâts ducj insiemît. Cussì
dongje, i fii a someavin un vèl une vore fin.
Ts' ai Lun al cjape su chest vèl e lu met a suîâ.
Al nas cussì il prin sfuei di cjarte che al jere fat
di.....



Ts' ai Lun





La cjarTE in Cine

Par tancj secui l'art de fabricazion de cjarTE e je restade un segret ben custodît dai Cinês che a dopravin diviersis materiis primis.



Cjanaipe



Fros di bambù



Stran di forment



Plantis di rîs



Peçots

La cjarTE plui prezioze e jere chê realizade cui peçots.



Lis materiis primis, fruçadis, a vignivin cuetis cun aghe e cjalchine par otignî une paste che podopo e vignive lavade. Par separâ ancjimò di plui lis fibris di celulose, la paste e vignive sbatude. Par formâ i sfueis si doprave un tamês e il sfuei si meteve a sujâ.





A rive la cjarte in Europe!

Il segret de lavorazion de cjarte al ven svelât cuant, tal 751 d.C, dai produtôrs di cjarte a vegnin caturâts dai Arabics intune batae. Propit i Arabics a àn puartât la cjarte in Europe. La prime cartiere in Europe e ven costruide in Spagne tor dal 1150. Tal 1268 a Fabriano (jenfri Ancona e Perugia) a àn scomençât a produsi la paste doprant gnovis tecnologjiis. La cjarte taliane e devente cussì la miôr cjarte di doprâ in dute Europe, lant ancje a sostituî la pergamene.



Tal 1798 un francês al realize la prime machine continue pe produzion de cjarte ma par stâi daûr, no bastavin plui i peçots, si veve di cjatâ gnûfs materiâi di doprâ.



FASÌN IL PONT



Complete la Mape doprant lis peraulis: piere, taulutis di arzile, len, batidure, lavaggio, stram di forment, plantis di rîs, len, peçots, bolidure cun aghe e cjalcine, pergamene, secjadure, papîr, cjarte strace, composizion dal sfuei, machine continue, cjanaipe, fros di bambù.

STORIE DE CJARTE

Si scriveve su...

1. _____
2. _____
3. _____
4. _____
5. 

MATERIIS PRIMIS

Une volte...

- _____
- _____
- _____
- _____
- _____

In dì di vuê...

- _____
- _____

Tecniche di produzion...

- _____

Tecniche di produzion...

1. _____
2. _____
3. _____
4. _____
5. _____